



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Io. Francisci Leonis Eporediensis I. V. D. Episcopi Thelesini Thesaurus Fori Ecclesiastici**

**Leoni, Giovanni Francesco**

**Coloniae Agrippinae, 1682**

173 Declaratio cap. excommunicamus, de haeret.

**urn:nbn:de:hbz:466:1-10316**

- entis manus in clericum singularis certaminis, sive duelli, ac aliis etiam casibus Sedi Apostolicæ Vicario Urbis, & locorum Ordinariis respectivè reservatis, & pro tempore reservandis, & etiam à quavis excommunicatione ab homine latè absolvere, & super irregularitatibus, tam ex aliquo defectu provenientes, quam occasione delicti contractis cum aliquo dispensare prætextu dictorum privilegiorum ullo modo possint, ut in eadem constit. §. *decernimus in super.* Quæ constitutio, & cum in dictis casibus sit prohibitiva, fortior est permissiva. Abb. in c. *non concupiscentiam*, n. 1. ibi Dec. n. 5. de const. Bar. in l. *tutor*, ff. de susp. tut. & Navar. in cons. 40. n. 9. de penit. & remiss. lib. 5. vol. 2.
- 169 Innoc. & Papa III. in concilio generali statuit, ut catholici, qui crucis assumpto caractere, ad hæreticorum exterminium se accinxerint illa gauderent indulgentia illoque sancto privilegio essent muniti, quod accedentibus in Terræ sanctæ subsidium conceditur, ut cap. *excommunicamus*, il. pri. mo, §. *catholici*, & ibi gloss. in ver. *accinxerint*, de heret. quæ Indulgentia est plenaria Abb. in cap. *ad liberandum*, num. 3. de iudai, & Sarrac. & dict. cap. *excommunicamus*, num. 4. de heret.
- 170 Ad hoc bellum & strenuè sese accinxit Federicus II. Imperator ejusdem Innoc. Pontificis auctoritate fretus, qui, laturus opem Christianis in subsidium Terræ sanctæ contra Sarracenos in Asia dimicantibus crucis vexillum sustulit Platina in vita ejusdem Innocentij, §. *Otho vero* Illum quam plurimi Principes nobiles, & ignobiles, crucis assumpto signo, ad hæreticorum, & infidelium exterminationem fuerunt secuti.
- 171 Oborta etiam eo dem tempore & maxima hæresi apud Tolosam; de qua per Sigonium de Regno Ital. lib. 14. annal. 1180. Beatus Dominicus ejusdem Pontificis auctoritate illam, in qua non tantum verborum discrepationibus, verum etiam armis opus fuit, mira celeritate compescuit, ut per eundem Platina in vita ejusdem Innoc. §. *oborta*. Ideo, cum ad expellendos hæreticos armis opus fuerit, ut fideles ad illorum perditionem magis inflammarentur eos, qui crucis assumpto caractere, ad eorundem excidium se se accingerent, vel se accingere parati essent, pari privilegio, ac si ad Terræ sanctæ subsidium accessissent, munire voluit, gloss. in dict. §. *Catholici in ver. receptores*.
- 172 Quia, & ipsi fere pari periculo mortis se exponerent perinde, ac illi, qui in subsidium Terræ sanctæ sese contulerint, ob id eam similiter eadem ratio idem erant statuendum, l. *illud*, ff. ad l. *Aquil.* & Crau. cons. 183. num. 3.
- 173 Hic & ex dicto capitulo: excommunicamus il primo, ea oriri potest quæstio, quoniam modo dicantur se accingere ad hæreticorum exterminationem, ita quod dicto privilegio, & indulgentia gaudere possint, Nam arbitrantur nonnulli omnes, qui in sodalitates sub titulo Sanctæ Crucis se recipiunt, eodem privilegio, & indulgentiæ gaudere posse, tamen dispositio conc. generalis, de quo in eodem cap. *excommunicamus*, ubi excommunicantur, & anathematizantur omnes hæretici, quibuscunque nominibus censeantur, ab omnibus dominis, & locis expelli mandantur, & ibi Abb. in princip. non habet tam latam interpretationem. Nam, qui in dictis sodalitatibus confratrum inscribuntur



- ut plurimum sunt personæ inhabiles ad arma, & ad præstandam, quæ ad dictarum indulgentiarum consecutionem requiruntur.
174. Ideo, ¶ quemadmodum non adimpleta integre conditione, sub qua indulgentia conceditur, quis illam consequi non potest, ut per Navar. *in comment. de Indulg. not. 19. numer. 2. 3. & 4. tom. 2. & Graff. in decis. cap. 15. num. 22. par. 1. lib. 4.* ita inhabiles ad sustinendum laborem, quem concilium generale requirit, sunt incapaces ad dictam indulgentiam consequendam.
175. Quia ¶ indulgentiarum concessio non est extendenda. Navar. *in d. comment. de Indulg. not. 9. nu. 9. & Card. Bellarm. eod. tit. c. 7. propos. 5. lib. 8. tom. 3.*
176. Quod verò, inquit Abbas, ¶ esse consuetudine inductum per inquisitores hæreticæ pravitatis, quod assumptis hanc crucem, etiam tempore pacis, dicto privilegio gaudere possint, ut *in eodem capitulo excommunicamus, num. 4.* illius opinio est civiliter intelligenda, ut scilicet, procedat favore personarum, quæ utroque tempore pacis, & belli ad ea, quæ dicta constitutio requirit, quandocunque, & ubi opus fuerit, contra eosdem hæreticos, videlicet, ad se armis accingendum, & dimicandum sint habiles, & parati, quia ad privilegium consequendum requiritur illaabilitas; quam privilegium unoquoque 177. privilegiando postulat, & habitas certarum personarum ex certa limitata causa non extenditur ad alias personas, in quibus non concurrunt illa super quibus fundatur habitatio, arg. text. *in c. generaliter, ver. constantum 16. q. 1. c. sanè, de privileg. & Alex. in cons. 75. visis, ac pederatis, n. 36. l. 4. 181.*
178. Infertur propterea, ¶ dictas sodalitates sub invocatione sanctæ crucis erectas non majore (quo ad casuum reservatorum absolutionem) quo alia disciplinatorum confraternitates privilegio esse munitas, quidquid aliter modernis temporibus fuerit scriptum; quia illæ facultates absolventi à casibus reservatis fuerunt sublatae per concil. Trident. quo prohibetur absolutio à casibus Papæ reservatis, ut *cap. 7. de cas. reserv. sess. 14.* & prædicti casus de quibus supra vers. *in super eadem constituit.* sunt semper in Bull. Cœn. Domini reservati, ut *in constitutio. Gregorij cap. XIII. de qua in Bulla Romana, cap. 92. §. declarantes cum sequentibus, & alijs aliorum Pontificum, & novissime summi Pontificis Pauli Papæ Quinti, & pluries super eodem cap. 7. de cas. reserv. fuit à sacra congregat. concil. declaratum, ¶ pluresque alia declarationes extant, quibus caveretur, ne Regulares, vel alij, vigore quorumcunque privilegiorum à casibus non solum Sedi Apostolicæ, sed nec locorum Ordinariis reservatis, absolvere possint. Præter quas, duæ emanarunt Clem. Papæ VIII. qui suo decreto per totam Italiam publicato, sub die 13. Novembris 1600 & alio declaratorio sub die 26. Novembris 1602. pœnis in contrafacientes inflictis, ut *eisdem decretis de quibus scripsi, in tom. 2. capit. 38. num. 169. 170. 171.**
180. Idem statuit, & declaravit, ¶ clausula sublata, &c. quæ removet facultatem aliter judicandi, vel interpretandi, & decreto irritanti de super edicto, quod omnia in contrarium gesta annullat ipso jure, ut *cap. si eo tempore, de elect. in 6. cum aliu. alibi allegatis.*
- ¶ Illud etiam advertendum, ¶ quod illæ facult-